

藤徒登雍反烏用稻音道穫反胡郭滓反側史蠲反俱玄

咄反丁骨創造狀上初陶反批音牧反音掘反渠勿

棚一步庚反桁音朋反笮反胡枝音七枯反竹今牖音百樞反音

昌俱反讀音音喬反巨嬌反居搢反列搢反作官反擗反感反頻反亦反

作賴反下反暴反報反灑反所反馬反薛反蒲反閑反戎反詩反注反氈反然反

反反竄反塵反筭反

根本說一切有部毗奈耶卷第三 棠三

唐三藏法師 義淨奉制譯

不與取學處第二之二

攝頌曰

若在於地上 或時在器中 或復在場筭

田處諸根藥

若苾芻知他重物安在地上所謂頸珠臂釧
真珠瓔珞諸莊嚴具苾芻盜心起方便從牀
座起整衣而去乃至未觸著來得惡作罪若
觸未移處得窄吐羅底也若舉離處是謂為
盜隨時准價若滿五磨灑得波羅市迦若不
滿五磨灑得窄吐羅底也若其地平一段細

滑是謂一處若地皮起或復破裂或為大縫

或時書字種種絲畫是謂異處若盤器等一

段細滑是謂一處若有破裂乃至絲畫是謂

異處若人重物安在場中所謂頸珠乃至瓔

珞苾芻盜心起方便乃至未觸著來得惡作

罪若觸未移處得窄吐羅底也若舉離處是

謂為盜隨時准價若滿五者得波羅市迦若

不滿者得窄吐羅底也若場上穀麥等平摠

為一色者是謂一處若穀麥等高下不平作

種種色是謂異處若他重物安筭筭中謂諸

寶物瓔珞之具若苾芻起盜心與方便乃至

未觸著來得惡作罪若觸未移處得窄吐羅

底也若舉離處滿五得根本罪若不滿者得

窄吐羅底也若人重物安在筭筭內若筭筭

中穀麥等與口平滿摠為一色是謂一處若

穀麥等不與口齊高下不平作種種色或復

有木及席薦等為障隔者是謂異處若人田

中有諸根藥謂香附子黃薑白薑及諸根藥

烏頭等類苾芻與方便起盜心乃至未觸已
來得惡作罪若觸未移處得窶吐羅底也若
離本處滿五得根本罪不滿得窶吐羅底也
攝頌曰

屋等處有三 鳥物復三種 禁呪取伏藏
此有三不同

若是人物雜色之衣安在屋上若苾芻起盜
心與方便安梯陞以物鈎斷而陞其上乃至
未觸已來得惡作罪若觸著衣而未離處得
窶吐羅底也若舉離處是名為盜應准其價
得罪同前若浣衣人屋上曬衣被風吹去墮
在苾芻經行之處或落門傍若苾芻起盜心

崇三

二

與方便乃至未觸已來得惡作罪若觸著時
得窶吐羅底也若舉離處得罪同前若人重
物安在樓上謂諸寶物瓔珞之具若苾芻起
盜心與方便安梯陞以物鈎斷而陞其上乃
至未觸已來得惡作罪若觸未離本處得窶
吐羅底也若舉離處得罪同前若人於舍宅

內或園池邊種華果樹於節會日以上妙物
而嚴飾之所謂諸寶瓔珞之具及雜繒綵時
有飛鳥謂珠是肉銜之而去若苾芻起盜心
與方便而捉彼鳥乃至未觸瓔珞已來得惡
作罪若觸未離本處作鳥物想得惡作罪若
舉離處是名為盜應准其價若滿五者得窶

吐羅底也若不滿者得惡作罪若苾芻作如
是念此是人物寧容禽鳥得有瓔珞若雖觸
著未舉離處得窶吐羅底也舉離處時若滿
五者得根本罪若不滿者得窶吐羅底也

若人以諸寶物及瓔珞具置箱中安屋上時
有飛鳥持物將去若苾芻起盜心與方便而

捉彼鳥乃至未觸瓔珞已來得惡作罪若觸
彼物時未離本處作鳥物想得惡作罪若舉
離處是名為盜應准其價若滿五者得窶吐
羅底也若不滿者得惡作罪若苾芻作如是
念此是人物寧容禽鳥得有瓔珞雖觸著未
舉離處得窶吐羅底也舉離處時若滿五者

崇三

三

得根本罪若不滿者得窳吐羅底也若人舍中或在池內為戲樂故養畜諸鳥謂鸚鵡舍利俱枳羅鳥命命鳥等便以種種諸瓔珞具而莊飾之苾芻見已起盜心與方便遂捉彼鳥乃至未觸莊嚴具來得惡作罪若觸彼物時未離本處作鳥物想亦得惡作若舉離處是名為盜應准其價若滿五者得窳吐羅底也若不滿者得惡作罪若於此物作人物想非鳥物想雖觸者未離本處得窳吐羅底也若舉離處滿五者得根本罪不滿五者得鹿罪若有苾芻於二伏藏一是有主一是無主苾芻意欲取彼有主伏藏從床而起整帶衣服作曼荼羅於彼四方釘竭地羅木以五色線而圍繫之於火鑪內然諸雜木口誦禁呪作如是言有主伏藏來無主伏藏勿來若於彼時有主伏藏隨言來者乃至未見已來得窳吐羅底也若眼見時是名為盜應准其價若滿五者得根本罪若不滿者得鹿罪若作

是言無主伏藏應來有主伏藏勿來若於彼時無主伏藏隨言來者乃至未見已來得惡作罪若眼見時是名為盜應准價若滿五者得窳吐羅底也若不滿者得惡作罪若於有主無主伏藏各於異時別別作法而盜取者隨事重輕如上得罪

攝頌曰

若物在氈席 或於石板等 華果奇妙樹

隨處事應知

若人重物安在氈席及地敷上所謂諸寶及瓔珞具若苾芻起盜心與方便乃至未觸已來得惡作罪若觸彼物未離本處得窳吐羅

底也若舉離處是名為盜隨時准價得罪同前若彼草敷同一色者是名一處若種種色別異不同是名異處若人重物安在石上乃至不滿得窳吐羅底也若石細滑摠為一段者是名一處若剝裂縫開或時書字或種種彩畫是謂異處石上既亦乃至板木牆壁薦

崇三

四

席蓋覆衣幘衣櫃衣桁象牙牀座處若四足經架若門門闔安物之時事並同前若三種樹謂華樹菓樹竒妙樹苾芻斬截盜華樹等價滿不滿得罪同前

攝頌曰

若物在鞍鞵 及象馬車輦 肥瘦應隨時

偷船事差別

如人重物置在鞍處所謂諸寶眾瓔珞具苾芻起盜心與方便乃至未昇未觸已來得惡作罪若觸著物未移本處得窶吐羅底也若移處時價若滿五得罪同前若於鞍上以一色物而蓋覆者是謂一處若雜色物而蓋覆者是謂別處若人重物安在象上所謂諸寶眾瓔珞具若苾芻起盜心與方便乃至未昇未觸已來得惡作罪若觸著物未移處得窶吐羅底也若移處時價若滿五得罪同前若其此象皮肉血脉皆充滿者是謂一處若其身羸瘦若牙耳鼻及腹筋脊腿據一一處是

謂別處移離處時皆得本罪若不移處得窶吐羅底也

若於象上莊飾幃帳於此帳上安諸寶物眾瓔珞具若苾芻起盜心與方便乃至未昇未觸已來得惡作罪若觸著物未離處得窶吐羅底也若移處價若滿五得罪同前

第三

五

若此帳上以一色物而蓋覆者是謂一處若異色物蓋是謂別處如象既介馬車步車牛車乃至諸輦亦並同前若苾芻見船以纜繫之於楸有心盜去搖動之時得惡作罪若解隨流乃至眼見已來得窶吐羅底也至不見處價若滿五得根本罪若不滿者得窶吐羅底也若逆水而上准與河闊分齊相似者得根本罪未及其處得窶吐羅底也若從此岸盜向彼岸眼見分齊與前無異若牽船上岸盜而去者亦准眼見分齊若沉在泥中後時將去泥掩之時此即成盜得罪同前若苾芻於盜物時或藏泥中若燒若穿若破作如是念

勿令此物屬汝屬我者得宰吐羅底也

攝頌曰

營田有三種

船有三種殊

鵝鴈及池華

獵漁并盜水

弟子教賊處

三種事不同

若人秋時營作田業所謂稻蔗鹽田苾芻見

自田中恐水乏少遂於共有渠內塞他水口

決已田畦作如是念令我田好彼勿成熟若

自成他損准價滿五得根本罪不滿者得宰

吐羅底也若見水多於共渠內泄他水口塞

已田畦作如是念令我田好勿彼成熟若自

成他損若滿五者得根本罪若不滿者得宰

吐羅底也

物有四種不同一體重價重二體輕價重三

體重價輕四體輕價輕云何體重價重謂末

尼真珠吠瑠璃珂貝璧玉珊瑚金銀碼瑠碑

磔赤珠右旋是云何體輕價重謂繒綵及絲

鬱金香蘇泣迷羅是云何體重價輕謂鐵錫

是云何體輕價輕謂毛麻木綿劫貝絮是若

以上諸物置三種船中謂甕船木船皮船若

以體重價重體輕價輕隨置一船若船破時

物主告曰水上浮者任取若沉沒者屬我若

苾芻起盜心與方便入水沉沒乃至未觸物

來得惡作罪若觸著者得宰吐羅底也若舉

離處價滿五者得根本罪若不滿者得宰吐

羅底也若沉泥中復擬取者准前得罪若作

非自他心沉之於泥不使其物屬彼屬我者

准前得罪以下諸戒准此應知若以體輕價

重體重價輕物隨置一船若船破時物主告

曰水內沉者任取水上浮者屬我若苾芻起

盜心與方便浮水而取乃至未觸物來得惡

作罪若觸著者得宰吐羅底也若舉離處應

准其價得罪同前若沉泥中復擬取者准前

得罪若人於家中或泉池所為戲玩故安置

種種雜類諸鳥鵝鴈鴛鴦等以衆瓔珞而莊

飾之苾芻起盜心與方便入水中捉彼諸鳥

乃至未觸瓔珞以來得惡作罪若觸著時作

惡作罪

如是念我取鳥物亦惡作罪若離本處應准其價若滿五者得窣吐羅底也若不滿者得惡作罪若作是念我取人物寧容禽鳥得有瓔珞若觸物時窣吐羅底也若離本處應准其價滿五根本不滿得窣吐羅底也若於池中有水生華所謂青蓮華唄鉢羅華白蓮華拘牟頭分陀利迦香華時華衆人所愛苾芻起盜心與方便入池盜華乃至未觸以來得惡作罪若觸其華採斫持去結之爲鬘乃至未離處來得窣吐羅底也若舉離處同前得罪於池四邊種陸生華樹所謂阿地木多迦占博迦波吒羅婆利師迦摩利迦如是等種

業二

七

由此故令衆多命而置傷害令彼獵徒獲無量罪者得惡作罪以下諸戒同此應知苾芻盜心見在羴鹿而解放者價若滿五得根本罪若不滿者得窣吐羅底也若捕魚人及彼徒黨於河陂處截其要口安置梁筌殺諸魚類苾芻盜心取彼筌時同前得罪若作悲心同前得罪若於筌中盜彼魚者應准其價同前得罪若多資旅持衆貨物過彼險途其水難得以衆器具持水而行若甕若瓶若皮囊然於人畜水有分齊苾芻起盜心與方便若取人水分未觸及觸准前得罪若傍生分滿五得窣吐羅底也不滿得惡作罪如贍部洲人共結資旅持衆貨物陞舶入海欲求珍寶爲無水故以種種器藏貯其水所謂甕坳瓶囊然其水分人與傍生請受有別苾芻起盜心與方便盜人分時准前得罪取傍生分亦准前得罪時有弟子與其二師隨路行去師有衣物持付弟子于時弟子有盜

心故徐行不進乃至眼見處來得窣吐羅底也至不見處若滿五者得根本罪若不滿者得窣吐羅底也若弟子棄師在前急去齊眼見不見處來准前得罪若弟子有盜心欲取師衣從房中趣閣上若從閣上往房中或從閣下至門簷階下或於寺三層棚上向下而出斯皆乃至眼見不見處來同前得罪若有苾芻在阿蘭若處住有破村賊到苾芻所作如是問大德頗知某村某家處不苾芻答言我知某處賊復問言彼家多女人少男子無惡犬無多叢棘易入易出於我無害取得物不若得稱意我當與大德共分其物若彼苾芻答言仁者我知某甲舍多女人少男子無惡狗叢棘易入易出於汝無傷能得其物苾芻作是教已賊還與物乃至未取分已來得窣吐羅底也若取賊分得罪輕重同前若其苾芻共彼盜賊作是語已於賊去後遂生追悔就彼賊處作如是語仁等知不我意造次

案三

不審思量便作是語如愚小癡昧不善其事妄為誚對然彼家內少女人多男子多惡狗叢棘難入難出不令汝等無傷取物隨彼賊徒去與不去苾芻得窣吐羅底也若此苾芻見其賊黨欲劫村邑往到彼家作如是語仁等警覺好自謹慎今夜必有盜賊來入勿令財物皆被賊將或容身命亦遭傷殺隨彼盜賊來與不來苾芻亦得窣吐羅底也若苾芻如前所作偷盜方便有三種事何謂為三謂田事宅事店事田事有二種取一言訟取二圍遶取何謂言訟取若苾芻為共俗人爭地詣斷事官所若苾芻不如俗人勝者得窣吐羅底也若苾芻得勝乃至俗人心未息來苾芻得窣吐羅底也若彼俗人心息者應准其價價同前得罪是謂言訟取何謂圍遶取若苾芻於他田處若以樹枝若以席障若作塹抗若以牆壁圍遶乃至圍未合來得窣吐羅底也若其圍合得罪同前是名圍遶盜田事既

案三

九

尔宅事店事如上應知

攝頌曰

稅物持寄他 將他物前去 不受便強著

為父母持行 又為三寶故 與直後均分

衣主為持將 令他染不染 將稅入小門

揔奪實人物

尔時世尊初證無上智教未廣被時諸苾芻
難過關稅俗人易過時有衆多苾芻與大賈
旅遊行他國路次稅關諸苾芻告賈人曰賢
者我等現有少多應稅之物仁為我等持行
過關方可與我勿令我分入彼稅官賈人曰
尔遂與持物過關還彼苾芻苾芻漸行至一
任處先任苾芻見客初至便遥問言善來具
壽行李安不山河關稅無勞擾耶荅曰極善
來大德隨我行來無他惱亂問曰豈諸具壽
無應稅物荅曰我有得意賈人為持過關方
授與我諸苾芻告曰合作如是至關稅處藏
物過耶荅曰縱令不合我已過竟時行路苾

芻心懷追悔我將不犯波羅市迦以此因緣
白諸苾芻諸苾芻白佛佛言諸苾芻無犯然
諸苾芻不應持物私過稅處違者得越法罪
尔時世尊於杖林中令摩揭陀影勝王得見
諦已便往室羅伐城為高薩羅勝光王說少
年經今得調伏時彼二王各宣教令於我國
中所有苾芻同王太子放免稅直諸苾芻尼
同後宮人亦免稅事由此苾芻及苾芻尼越
過關河無輸稅事是時世尊教法弘廣時諸
苾芻易過關稅俗人難過時有苾芻隨他賈
旅出外遊行至於稅處時諸賈人禮苾芻足
作如是語聖者我於長時為寒熱所逼風熱
毒蟲蚊蚋等害求諸財物勤勞辛苦其所獲
利皆為三寶興設供養我今所有輸稅之物
仁等為我持過稅關當還與我時諸苾芻為
持過已還與賈人苾芻漸行至室羅伐時諸
苾芻告曰善來具壽行李安不廣如上說荅
言大德我亦為他施作恩益豈復自身得有

棠三

十

勞苦諸苾芻曰其事如何時彼苾芻以事具
 白諸苾芻曰合作如是至關稅處藏物過耶
 答曰縱令不合我已過竟時此苾芻心懷追
 悔我將不犯波羅市迦以此因緣白諸苾芻
 諸苾芻白佛佛言此苾芻無犯然諸苾芻不
 應持物私起稅處違者得越法罪

時有苾芻隨賣旅遊行至於稅所時諸賈人
 禮苾芻足作如是語聖者我於長時為寒熱
 飢渴所逼廣說如上其所獲利皆為三寶興
 設供養我今所有輸稅之物仁等為我持過
 稅關當還與我苾芻曰佛已制戒苾芻不應
 至輸稅處不與直過我今不敢持物過稅是
 時賈人便作斯念苾芻不肯持過我等宜應
 矯設方便告苾芻曰聖者我輩今朝情有擾
 亂不能辦食仁等入村隨緣自乞時諸苾芻
 咸詣村中苾芻去後諸人各取苾芻衣袋鉢
 囊并雜物袋安已稅物苾芻得食還歸賣旅
 食事既了持已衣鉢同過稅處時諸賈人皆

來開解苾芻衣物苾芻告曰何故仁等輒觸
 我物諸人報曰聖者我以稅物安仁袋中我
 今欲取苾芻告曰賢者汝等故心令我犯罪
 彼便報曰仁等於此不起三業何有過耶時
 諸苾芻心生惡作豈非我等得波羅市迦時
 諸苾芻漸至羅伐舊住苾芻見而告曰善來

卷三

十一

具壽行李安不廣說如上答曰我無辛苦然
 我在路入村乞食同伴賈人開我衣袋以諸
 稅物私內袋中我等不知持過稅處後時見
 已便生惡作豈非我犯波羅市迦時諸苾芻
 以此因緣具白世尊世尊告曰苾芻無犯然
 諸苾芻所有衣鉢若無看者不應捨去應留
 守護人若不看者得越法罪時有苾芻隨賣
 旅行入村乞食留一人看物時看守人須去
 便利或復取水時諸賈人各以稅物置苾芻
 衣鉢袋中同前過關來取稅物乃至告諸苾
 芻諸苾芻白佛佛言諸苾芻無犯若看守物
 應留二苾芻時有苾芻留二苾芻看守其物

時一苾芻或因便利或復取水時諸賈人共詣看守一苾芻所有執手者有捉足者便以稅物置之袋中苾芻念曰同梵行者來我當告知諸苾芻乞食而還時賈人等矯設方便現鬧亂相令彼苾芻不獲相告既過稅處各來取物苾芻告曰何故仁等輒觸我物賈人告曰我以稅物安此袋中時諸苾芻告曰今汝二人看守衣物云何更令我等共犯罪耶時二苾芻具陳其事時諸苾芻心生惡作將無我犯波羅市迦具以其事白諸苾芻苾芻白佛佛言無犯其看物人見他安物應令俗人或使求寂拔出其物若無此輩應自抽出各付彼人若異此者得越法罪

曰聖者頗有可稅物不答言賢者我無稅物告言且住可將物來試為觀察纔披衣袋見兩張氎告言聖者仁於善說法律而為出家寧容為此兩氎作故妄語告言賢者此非我物問言誰物答曰一是父物一是母物報言父亦我不識母亦我不識還我稅直方可聽

堂三

十二

